

Еуразиялық экономикалық комиссия Кеңесінің 2016 жылғы 18 қазандағы № 32 өкіміне өзгерістер енгізу туралы

Еуразиялық экономикалық комиссия Кеңесінің 2018 жылғы 14 қыркүйектегі № 29 өкімі

Еуразиялық үкіметаралық кеңестің "Еуразиялық технологиялық платформаларды қалыптастыру және олардың жұмыс істеуі туралы ережені бекіту туралы" 2016 жылғы 13 сәуірдегі № 2 шешімінің 3-тармағын іске асыру мақсатында:

1. Қосымшаға сәйкес Еуразиялық экономикалық комиссия Кеңесінің "Еуразиялық басымдықты технологиялық платформаларды қалыптастыру туралы" 2016 жылғы 18 қазандағы № 32 өкіміне өзгерістер енгізілсін.

2. Осы Өкім Еуразиялық экономикалық одақтың ресми сайтында жарияланған күнінен бастап күшіне енеді.

Еуразиялық экономикалық комиссия Кеңесінің мүшелері:

*Армения Беларусь Қазақстан Қырғыз Ресей
Республикасынан Республикасынан Республикасынан Республикасынан
Федерациясынан
М.Григорян И.Петрищенко А.Мамин Ж.Разаков А.Силуанов*

Еуразиялық экономикалық комиссия
Кеңесінің
2018 жылғы 14 қыркүйектегі № 29
өкіміне
ҚОСЫМША

Еуразиялық экономикалық комиссия Кеңесінің 2016 жылғы 18 қазандағы № 32 өкіміне енгізілетін ӨЗГЕРІСТЕР

1. 2-тармақтағы "14" цифры "15" цифрымен ауыстырылсын.
2. Аталған өкімге № 1 қосымшада:
 - а) бірінші графа мынадай мазмұндағы 11-позициямен толықтырылсын:
"11. Фотоника";
 - б) екінші графа мынадай мазмұндағы 14-позициямен толықтырылсын:
"14. Жарық техникасы".
3. Мынадай мазмұндағы № 15 қосымшамен толықтырылсын:

"Еуразиялық экономикалық
комиссия Кеңесінің 2016 жылғы
18 қазандағы № 32 өкіміне
№ 15 ҚОСЫМША

"Жарық техникасы" Еуразиялық технологиялық платформасының ПАСПОРТЫ

1. Құрылтайшылар:

"БООС ЛАЙТИНГ ГРУПП" Халықаралық жарық техникасы корпорациясы жауапкершілігі шектеулі қоғамы (Мәскеу қаласы, Ресей Федерациясы);

"С.И. Вавилов атындағы Бүкілодақтық жарық техникасы ғылыми-зерттеу институты" жауапкершілігі шектеулі серіктестік (Мәскеу қаласы, Ресей Федерациясы);

"Никол Думан" өндірістік кооперативі (Ереван қаласы, Армения Республикасы);

"Горизонт" холдингі басқарушы компаниясы" ашық акционерлік қоғамы (Минск қаласы, Беларусь Республикасы);

"ҚАЗАҚСТАН ЭЛЕКТРО" жауапкершілігі шектеулі серіктестік (Алматы қаласы, Қазақстан Республикасы);

"Электр қауіпсіздігі жобасы" жауапкершілігі шектеулі қоғамы (Бішкек қаласы, Қырғыз Республикасы).

2. Мақсаттары:

мүдделі тараптардың (бизнес, ғылым, мемлекет, қоғамдық ұйымдар) (бұдан әрі – мүдделі тараптар) техникалық, қаржылық және әкімшілік ресурстарын біріктіру арқылы Еуразиялық экономикалық одаққа мүше мемлекеттердің (бұдан әрі – мүше мемлекеттер) аумақтарында барлық мүдделі тараптардың жарық техникасы өнімдері өндірісін дамыту саласындағы өзара іс-қимылының тиімділігін арттыру;

платформаға қатысушылардың өзара тиімді іс-қимылын қамтамасыз ету;

жарық техникасы өндірісінің перспективалы коммерциялық технологияларын әзірлеу;

түрлі экономика, ғылым, білім салаларының, мемлекеттің мұқтажы және әлеуметтік сала мүдделері үшін жарық техникасы өндірісінің технологияларын дамыту және тиімді түрде енгізу;

жоғары технологиялық, инновациялық және бәсекеге қабілетті өнім өндіру, сондай-ақ оны пайдаланумен және жаңғыртумен байланысты қызметтер көрсету.

3. Міндеттері:

жарық техникасы өнімдерін өндіру саласында ғылыми-зерттеу және тәжірибелік-конструкторлық жоспарларды әзірлеу;

өндірістік циклды және мүше мемлекеттерде платформаға қатысушылардың кәсіпкерлік қызметін дамыту бағдарламаларын әзірлеу;

жарық техникасы өндірісі саласында инновациялық технологияларды дамыту және ғылыми-техникалық жобаларды әзірлеу;

мүше мемлекеттердің нарықтары үшін жоғары сапалы бәсекеге қабілетті жарық техникасы өнімін әзірлеу және оны пайдаланумен және жаңғыртумен байланысты қызметтерді көрсету;

жарық техникасы өндірісі саласында мүдделі тараптардың мүдделерін ескере отырып, мемлекеттік-жекеше әріптестіктің барынша тиімді модельдерін енгізу;

мүше мемлекеттерде жарық техникасы өндірісін дамытуға кедергі келтіретін тосқауылдарды анықтау және оларды жою жөнінде ұсынымдар әзірлеу;

құрылтайшылардың әлеуетін (кадрлық, ғылыми-техникалық, технологиялық және өндірістік) бағалау және оны өрістете түсу бойынша ұсыныстар әзірлеу;

жарық техникасы өнімі өндірісі саласын дамыту жөнінде ұсыныстар әзірлеу.

4. Қызметтің негізгі бағыттары:

мүше мемлекеттердің агроөнеркәсіп кешенінің тамақ және қайта өңдеу өндірістері үшін энергия үнемдейтін жарық техникасы жабдығын әзірлеу;

платформа қызметінің негізгі бағыттарына сәйкес конгрестер, форумдар, көрмелер, конференциялар және іскер турлар ұйымдастыру және өткізу;

әзірленетін технологиялар мен жарық техникасы өнімінің патенттік қорғалуы деңгейіне бағалау жүргізу;

жарық техникасы өнімін өндіру үшін қазіргі заманғы жабдықты және инновациялық технологияларды әзірлеу;

мүдделі тараптардың жоғары технологиялық, перспективті және бәсекеге қабілетті жарық техникасы өнімін өндіру және оны пайдаланумен және жаңғыртумен байланысты қызметтер көрсету бойынша күш-жігерін біріктіру;

мүше мемлекеттердің уәкілетті органдарында және халықаралық ұйымдарда платформаға қатысушылардың ортақ мүдделерін білдіру."